

昔王德甫撰四士說稱高郵王念孫及其子引之有蒼雅之學汪容甫論次當代通儒姓氏厘八人而王氏有二焦理堂贊廣雅疏證經義述聞曰高郵王氏鄭許之亞借張揖書示人大路經義述聞以子翼父阮伯元敘經傳釋詞則曰高郵王氏橋梓貫通經訓兼及詞氣今伯申侍郎刻成釋詞十卷元讀之恨不能起毛孔鄭諸儒共證此快論也又云王氏一家之學海內無匹顧千里謂近代通儒程徵君經學錢少詹史學汪明經文章高郵王氏父子小學天下五人而已臧在東謂高郵王氏父子小學出六朝人之上陳恭甫謂當代通儒著述惟高郵王氏父子與讓堂老人爲最醇曾滌生圖聖哲



三十餘人遺象謂王氏父子集小學訓詁之大成復乎
不可幾已爾昌生長江都與高郵爲同郡壤相接也辛
丑壬寅又客高郵者二年聞兩先生之流風遺韻也稔
矣願以寡昧溺志詞章疲精道路於鄉賢聲音文字訓
詁精博淹通之學無能爲役閉門人海補過讀書乃取
兩先生事蹟鉤稽而排比之成年譜二卷藉寓仰止之
誠云爾上虞羅叔蘊嘗擬撰石臞年譜尙未之見憶周
保緒有陶詩譜丁儉卿病其未審別爲一編保緒卽自
毀所作它日羅書刊布吾固不辭爲保緒也中華民國
十六年三月三十一日閔爾昌記



王石臞先生年譜

鄉後學閔爾昌編

清高宗乾隆九年甲子三月十三日寅時先生生

先生姓王氏諱念孫字懷祖號石臞高郵州人先世
居蘇州明初始遷高郵五世祖應祥高祖開運並明
諸生曾祖式耜字聖野號字泰康熙戊午副榜貢生
著有四書詳說書經詳說時藝益壯堂集卒年七十
二祖曾祿字西受號古堂雍正癸卯選拔貢生父安
國字書城號春圃雍正甲辰一甲第二名進士歷官
吏部尙書諡文肅文肅公元配車夫人繼配崑山徐
夫人皆生子而殤再繼配錢塘徐夫人

江西吉安府知府亨時女

乃生先生先是文肅公父贈尙書公年逾七十望孫甚切豫爲之名曰念孫謂文肅公曰有孫生則以是名之乾隆八年十二月贈尙書公卒迨先生生文肅公曰天佑吾父而予之孫其將使紹吾父之業乎遂如遺命以名之

十年乙丑二歲

十一月壬申文肅公授禮部尙書命俟服闋赴部辦

事

清國史王安國傳十年十二月授禮部尙書先生撰春圃府君行狀云十年夏遷禮部尙書此依長

沙王氏東華錄

十一年丙寅三歲

丁母徐夫人憂

文肅公服闋遂攜先生入都文肅

公中年失耦不畜妾媵家鮮童僕父子相依同寢起者十餘年先生性聰敏過人在襁褓中已識二十餘字人皆謂有夙慧文肅公往往囊書挈先生治事堂上就案上以筆授句讀

十二年丁卯四歲

讀尚書矢口成誦皆文肅公口授百數十行俄頃皆

已爛熟一時都下有神童之目

此依子引之撰行狀阮元撰墓志銘則云

生四歲即能讀尚書六七歲文肅公口授諸經皆成誦云云

十三年戊辰五歲

十四年己巳六歲

十五年庚午七歲

文肅公蔽獄陪都攜先生東行時偕往之某公夜作
奏橐援據經傳恐有錯誤則詢之先生先生方睡熟
應聲誦之一字無譌乃相與驚歎以爲異才

十六年辛未八歲

學爲制義操觚卽作全篇

十七年壬申九歲

十八年癸酉十歲

十三經誦畢旁涉史鑑

江陰繆氏儒學傳橐引阮元撰墓志云八歲讀十三經畢

旁涉史鑑案墓志實作八歲屬文十歲讀十三經畢云云與行狀同 筱珊蓋誤

流觀往事感

慨激昂嘗擬作秦檜論斷制森嚴章法完密文肅公
覽而喜之由是期望益厚勗之以忠信示之以勿欺

先生之持躬正直得於庭訓者甚蚤

十九年甲戌十一歲

二十年乙亥十二歲

五月辛卯文肅公調吏部尚書

二十一年丙子十三歲

休寧戴東原先生精於三禮六書九數聲音訓詁之

學文肅公延之家塾爲先生師先生稽古之學實基

於此

據東原年譜列此

文肅公兼管工部尚書 十一月

壬戌文肅公因病解任

二十二年丁丑十四歲

正月初八日文肅公卒

年六十四

先生扶柩旋里受業夏

嘯門先生之門

名庭芝字茹紫雍正癸丑進士翰林院侍講

篤志爲學爲

文根柢深厚理法精熟老師宿儒不能過也

先生撰元配吳

恭人行略受業夏先生之門次補州學生員後

二十三年戊寅十五歲

二十四年己卯十六歲

二十五年庚辰十七歲

二十六年辛巳十八歲

補州學生員州試第二府院試皆第一府試題爲先生數年前所作既出場嘯門先生問尙能記舊作否先生因援筆默寫原文及嘯門先生所改一字一句無不脗合嘯門先生大奇之學使劉文清公歎賞其

文以爲軼羣之彥旣而過揚州見都轉盧雅雨先生
乃知先生家世則大喜日文肅公有子矣

二十七年壬午十九歲

吳恭人來歸同州增生贈翰林院編修鉉之女

二十八年癸未二十歲

二十九年甲申二十一歲

作護城橋祠田石梁墳田記

三十年乙酉二十二歲

高宗南巡先生以大臣之子迎鑾獻頌冊二月癸巳

賞舉人

三十一年丙戌二十三歲

試禮部不第 三月十一日長子引之生 得江氏
古韻標準始知顧氏所分十部猶有罅漏旋里後取
三百五篇反覆尋繹始知江氏之書仍未盡善重加
編次分古音爲二十一部未敢示人

三十二年丁亥二十四歲

是年有詩二十首題曰丁亥詩鈔

錄目於下偕任一子田游蒜山二首

泛舟至芙蕖館一首同任子田夕步南郭一首空翠
亭一首裴公洞一首同任三石農登文峯塔一首河
間道中遇雷雨作一首偕任子田游東阿山中一首
寄呈李大司馬一首石佛閣放舟一首文游臺懷古
一首春耕詩擬陶一首登海陵泰山墩懷古一首晚
泊湖口一首晚次江口一首月夜游焦山作一首天
長道中晚晴一首冬日郊行晚歸山莊二首以河間
東阿諸詩觀之似先生丙戌下第後丁亥方南歸又
游蒜山二首淮海英靈集湖海詩傳江蘇詩徵並作
文肅公詩題無偕任一子田五字詩中字句亦小異

晚晴移詩匯亦作文肅詩蓋沿諸選之誤先生通籍後不復爲詩後以詩法教子敬之曰古體詩當以漢魏六朝爲宗下逮有唐諸大家以正所趨近體則唐稱極盛而中晚氣格漸弱已無足法有宋以後古近體皆可涉獵當知其佳處得力於唐人而新其壁壘不可轉襲宋人之貌世徒嗤明代七子規仿盛唐爲優孟衣冠而不知去唐學宋又出七子之下至古體用韻當依唐韻部分無若填詞家信筆出入也

三十三年戊子二十五歲

三十四年己丑二十六歲

與陸敬甫交

試禮部不第 冬與李素伯遇於京師先生屬素伯

爲購毛刻北宋本說文適書賈老韋有之高其直先

生時下第囊空稱貸而買之歸而發明字學作書四

種以配亭林顧氏音學五書

先生嘗宗說文之字而黜俗體爲六書正俗一

書既而識解益超自謂所見猶淺乃屏其橐而棄之

李格非病先生偕友人

爲延醫市葠具調治數日竟不起

三十五年庚寅二十七歲

三十六年辛卯二十八歲

試禮部不第

三十七年壬辰二十九歲

試禮部不第 在都始與劉端臨訂交 避禍天長

大興朱竹君先生時爲安徽學政冬杪先生跋涉往

見竹君敬禮之時從問字質疑未嘗以前輩禮貌自

居爲飛書當路護持其家盡力

先生後在京有與劉端臨書云衰病之軀

勢難久居京邸決意於冬底告病明春南歸但舍間俗冗叢勝家難紛起不可一日居擬於鎮江覓一養

病之所以度餘年此書當是官科道時作壬辰避禍天長大約亦因家難也

始與汪容

甫訂交以古經義小學相切劘

容甫是時所校書多述先生說容甫撰李

孝臣銘所謂古學大興江以北王念孫爲之唱而君和之中及劉台拱繼之是也容甫又嘗言高郵王懷祖神悟兩漢儒者所無

三十八年癸巳三十歲

在朱竹君幕中

汪容甫有大戴禮校本題云乾隆昭陽大荒落辜月大興朱筠高郵王念

孫江都汪中校於安徽學政署中

竹君病安徽士子不習音訓購得

汲古閣許氏說文初印本先生爲校正刊行

章實齋有答沈

楓墀論學云昔朱竹君先生善古文辭其於六書未嘗精研而心知其意王君懷祖固以六書之學專門名家者也朱先生序刻說文中間辨別六書要旨皆咨於懷祖而承用其言僕稱先生諸序此爲第一非不知此言本懷祖也而世或譏之此不可語於古人爲文之大體也朱序末署昭陽大荒落孟陬之月十八日案之章語殆爲先生捉刀之作

冬偕竹君入都下榻椒花吟舫

竹君家在日南坊李鐵拐斜街之北甲申移居街南
肇慶館之西中有椒花吟舫見笥河文集編修蔣君
墓志銘

三十九年甲午三十一歲

九月十三日竹君約先生與史文量陳梅岑何數峯
及姪玉川爲西山之游歸復時時爲文酒之會

四十年乙未三十二歲

試禮部中式總裁爲無錫嵇文恭公韓城王文端公
長白阿雨齋先生同考仁和黃葭塘先生殿試二甲

第七名改翰林院庶吉士碩學登科當世榮之

行狀云大

興朱笥河學士品隆望重凡新科後進投刺者皆不
答拜獨於府君往謁躬自答之曰是當代通儒正士
不可以後進視之也案竹君與先生既屬通家嘗所
敬禮彼來此往友道之常而以前輩答拜引爲榮幸

亦當時
種風氣也

與朱竹君程魚門曹慕堂法源寺避暑

冬乞假旋里

笥河詩集乙未送先生詩云昔我謁文肅輿中英物暫抱持出塞門解愛

盤峯缺早知松柏根荻荅芽必中厥父典三禮子實
精其說乙酉子賜舉計偕歲丙戌任幼植主我子來
晤姚婉春試丑連卯屢深門外轍共子持酒樽識子
譚孔訥許君堂室奧表位施綿最我南子留北辰春
罷去竭其年在太平冬杪子我惕開陬游橫雲岡脊
白龍龍華陽真逸隱龍蜴穴泉列更觀互浮沈燭讀
永昌碣還登府子城游蹤指曲折下有萬竿竹亂壓
小山雪我方敘說文資子口存舌辨體音必兼影響
窮蚊蚋聲五色亦五北鷁和南鷺要令江南士通經
字爲揭春試子暫歸夏息我逃熱子又渡江來兩箇
軒坐設我承四庫令網書廣張覈大集異等生館倚
青山岑傳鈔千萬本唐禮子精閱晚暇入竹根削筍
觸螽蟊時交目飛鴻戲弈取其拙數當風月清握手
步高埭相晤七柏老古影千年逝江山六朝州它時
此憶絕煥寒幾何時我冬使節撤諸生送江邊忽與
采石別子待我邦溝蜀岡梅蕾裂覆孟城角船載子
朔風樵齊東竅正號趙北冰已渴近臘稅轂下下榻
子之媒掃滌椒花庭除啓碧桐闌我甘歸識字理董

仗子哲子言許氏書形意事契笏假借古說精諧聲
流弊劣川居卽中州山增或大喇依聲心有羞託事
禮司徹古今諧借殊始背終隔隴又有轉注一考老
訓互綴要之形聲訓六書密而訾父子許義昭兄弟
徐音滅陽冰好大乖次立校徒列李燾韻補五一亥
部遭蠶然死唐前灰伐餘漢初葉其閒小學家注疏
一一撥法當收散失非一手足烈書成曰攷異計功
竊稷尙我旣奇子言鱗爪先漏泄半載卒二卷大樹
蠹敲鴛我亦時一鳴砌隙應蜻蛚飄飄玉堂夢送子
風雨颺閣校雖要賢名山業恐輟乙夏遷城西香鑪
巷楚躋遲子三日見英華自愁癘矧茲萼鱸思歸飛
快蟬蛻良友之我遐臨攸心惓惓我有白玉瓊大酋
治麴蘖必也六物兼我心醉口吸亦嘗采黃山嘉蔬
取名鼈何當烹肥野膏薌奪蘅藹豈不嗜飲食不如
子書臚乃知五味成在瓊薦酒況子別我我畱書成
我則悅我之思子來成書子真傑昔易詩書分文字
百遺子諸師路塞茅絕學誰探窺在禮敦贈處母曰
懷安褻懷土豈日宜君子氣母茶今冬徂明秋兩九
跳蹶踣良工治必爲子來旦旦誓雖傷亦聚
歡勿忘在執筆勛哉大其學世鼓傳魯薛

在郡

城汪雪疆

名大齋字中也

新得馬秋玉家武梁石室畫象舊